



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二九五

四知堂文集三十六卷 楊錫紱 撰

四知堂文集

楊勤慤公四知堂文集序

顯功峻業得志於時者優為之
惟純心毅力振敝匡時者窺其
中而淵然視其外而凝然施之
民者不煩苛而政舉焉發於文
者一啓口而道存焉匪求名世而
上得乎君下宜於民踵其後者
竟其所為退思焉而常如弗逮
是誠間氣所鍾傑然命世如余
鄉先輩 楊勤慤公者沒世後
令人一追慕焉而肅然起敬讀
四知堂集穆然如見其人與其

政與事也四知云者勤懇公自
名其堂者也有人有是事則有是
言揭四知以自凜懸之廣庭其
心之瑩然而淨者可知若其品
概則早達時已先定之也蓋公
以雍正丁未進士供職郎曹初

序

二

經

陞對即蒙

世宗特隆藻鑑以封疆大任期
之迨其後遷臺垣歷司道進屏
藩三撫湖湘凡所鑒別形之章
奏者忠邀

嘉興晚任總漕維丁籌運除弊
甦艱無一不本其純心出以毅
力任益專

眷益篤指置益有倫而有要細
繹大集於奏疏見政治之樞要
於咨檄見誥誡之肫誠於書啓

序

三

簡牘見咨度之周詳而與人之
諄懇即派露於筆墨之中至
於傳祀集序文也而敷詞衍義
動闕名教垂膚語為聲韻篇
什祠也而耳目所經輿會所觸
靡不寄托遙深不侈風月為

集如其文也即其政與事也
夫文章之興功業殊途而同
歸者也不學問安有經濟
經濟所為文亦浮廓而不實
惟公之學問於經濟見之公
之經濟即文章而愈著其心

序

由

純其力毅得之天賦者實皆源
之學問區、功業未足擬其高深
傑然名世所由然歟余以鄉里
後進與仲子養齋內外舟契
垂二十年景行前哲異於公
之飭躬制行立政匡時者步

趨焉而彷彿其萬一而仰瞻
室取徑為遙展讀斯集益覺
聖道而未之見而望之為侈其
詞說書其簡端者以見余之
企慕前賢肅然起敬之心對
翰藻而倍深仰止也敢言序

序

五

哉

嘉慶二年歲在丁巳仲夏月
誥授資政大夫吏部左侍郎加
三級南豐後學譚尚忠頓首拜
撰



讀四知堂文集序

有文三十六卷卷分

奏疏咨稟詳議牌檄示記序書
簡誌傳行述雜著焚餘督運籌
運巡營運餘各草詩題曰四知
堂文集益前雲南鹽法道清江

楊養齋先生

予告歸田與叔弟睿齋大夫從
子懋學懋璟懋珩懋瓌懋瑄懋
玖懋恬子懋宣孫熙芹熙華輩
為其先太保兵部尚書漕運
總督勤愨公編遺校梓者也卷

首則恭刊乾隆壬午乙酉

御賜宸章及己丑

御賜碑文祭文既成懋玖郵書
屬序子音於雲南而未讀文集
也時平曩征苗凱旋 奏留善
後尋丁母憂廬居昆明服禫矣

二

歲前予寧歸艤舟江上臨況四
知堂而養齋先生已作古人矣
子音不及見公廁先生門下吏
於諸孫年家世好皆篤故心公
行有年今得拜公於祠受文集
而讀之大約得力於經所謂平

天下治國齊家修身正心誠意
致知格物之本者洋洋乎名臣
理學鄉賢如在矣公本躬行獲
上有道

榮於生前

名於沒世者大矣遠矣而豈惟

三

文哉初雍正丁未成進士歷官
中外垂四十年其由道

特擢廣西布政使實始乾隆丙
辰前後廣西山東巡撫三撫湖
南入為刑部侍郎左都御史吏
部禮部尚書終十二年總漕運

位日益尊任日益重求所以久
安長治至今著為法度者公之
心力瘁矣雖欲求多於文抑亦
有所不暇也今讀 奏疏十六
卷二百三十六篇咨稟詳議牌
檄示三卷五十二篇記序三卷

四

五十三篇書簡三卷五十四篇
誌傳行述雜著三卷二十六篇
各草詩八卷七百五十六篇嘻
有文如是幾於物格知致意誠
心正身修家齊國治天下平無
不達也多云乎哉且夫文之難

行之尤難或化型鄉里或著述
名山或純盜虛聲或不學無術
或矜才速謗或文言飾非或喜
事紛更或黨援傳會或苟全素
履或晚節不終歷觀史冊能無
慨興安得遭逢

五

聖主同寅協恭所至政修人和
德成名立始之終之如我勤懇
公者固宜
榮於生前
名於沒世獲
上有道悉本躬行吾故曰名臣

理學鄉賢公實兼之竊比鄉評
以俟公論子音經運河上生祠
猶新傳公違和屬以獲餽卻之
入 告請禁

高宗純皇帝曰是不愧四知者
以此名堂以堂題集子音讀公

六

文益心公行如見公矣養齋先
生兄弟叔姪父子祖孫編遺校
梓幾何時聚散存亡竟成今昨
子音序四知堂文集如之何不
歡感俱來也

嘉慶八年癸亥十月戊辰日原

知雲南平彝縣事武寧年世載
姪王子音時客直隸節垣清遠

軒謹序



七

人臣委贄事君曰建樹曰文章
二者不同而其所以輔聖治而
贊皇猷則一也出入承明潤色
鴻業杜詩韓筆炳炳麟麟侍從
之職也輔世長民興利革弊朝
廷嘉其獻納草野資其宏濟不
必以文傳而散見於著述者皆
其經濟之迹又不必不以文傳
此公卿之職也古名臣別集之
編或手自裒輯或出於門弟子
之所著錄皆足以補史傳之缺
略而其本末且益彰若唐之陸

宣公宋之趙韓王並為一代偉
人文高當世而後人傳述獨其
疏奏表壯盛行於時他文又不
必並稱焉豈非功名爛然而文
章在所略歟清江楊勤慤公以
郎官出為監司洊登顯仕以漕

帥終

朝廷任用既專而公之報稱亦
至懋有漕運全書早行於世至
今為言漕者圭臬公薨後公之
子若孫輯其所著疏奏詩文凡
若干卷余授而讀之詩文純粹

二

以精不愧古作者而陳進之章
疏及與同列之簡劄居其大半
大抵在官言官隨事調劑不妄
為異議為難能也嗚呼若公者
可謂在其位謀其政者矣夫在
位而後謀則敬其事可知敬其
事則不曠其職又可知曠職非
能在位者也越俎又非能謀政
者也公為監司則謀監司之政
為撫臣則謀撫臣之政為漕帥
則謀漕帥之政剴切詳明因宜
制事為

三

朝廷言之而

朝廷嘉許為同列言之而同列
信從且為所屬言之而所屬悅
服娓娓乎其無不盡也歷歷乎
其如燭照數計而咸中其繁也
予於乾隆辛卯出守毘陵時公

已赴道山而惠政仁聲猶徧傳
於大江南北每以不得親瞻風
采領其緒論為憾及領藩滇中
與公次子養齋觀察為同官晨
夕過從更得聞公正已事上使
民行政之梗概而益歎公經濟

四

之才為不可及也然則公之斯

集即比諸唐之宣公宋之韓王
又何多讓焉豈徒摘華振藻對
揚宏休偉烈之可擬也哉
嘉慶十年歲在旃蒙赤奮若孟
秋月望日

賜進士出身

誥授光祿大夫 太子少保協
辦大學士吏部尚書錢塘愚姪

費淳拜序



五

余為童子時即聞先君子述清江楊勤慤公人品經濟若衡華嵩岱之不可企及非獨吾鄉之人敬之慕之愛之重之也一時名公鉅卿賢士大夫下及輿臺走卒莫不稱頌於口欽感

於心余耳之熟矣而未始得讀公之文公以雍正丁未進士受

高宗純皇帝特達之知敎歷中外者數十年而揔督漕運窳久恚其利弊凡所措施後之人莫能

易屯丁運弁戴之如父母畏之如神明以故遠近同聲識與不識爭相稱頌以為模楷而惜予之未及見公也公以乾隆戊子捐館舍距今幾四十年與公同時諸先輩皆徂謝殆盡

無有從公遊知公之深者予既不獲覲公之言論丰采則益思讀公之文公之孫懋恬官工部有局幹每與談論輒舉其家範以相砥勗今年夏始得四知堂全集讀之乃知

公不以文自名而文固卓卓可傳也。公之集奏疏居其半始由鞏羅道署廣西布政使三撫湖南以至漕督每莅一官必規畫精詳知無不言言無不盡其見於尺牘及條教號令者咸出

三

公手藹然仁者之言其他著述并詩稿若干皆有義法真不苟為炳炳烺烺者也夫人以文傳實文以人傳世之締章績句以為工者聲華易歇光彩荏然非獨其文不足以傳其人大都

無可紀也且即以文論非經世烏足言文乎昔蘇文忠公愛讀陸宣公奏議特表上之曰苟已經效于世間不必皆從於已出朱子有云一日立乎其位則一日盡乎其官一日不得乎其官

四

則一日不敢居乎其位予於公之文以為當官者皆當置之座右朝夕觀覽不獨因其文想見其人也爰敬綴數言以志景仰若云序公之文則吾豈敢嘉慶乙丑孟冬大庾後學戴衢

亭拜書



五

四知堂文集序



方網生也晚不及多
識前輩願於坡公所
云讀范文正碑而流
涕者猶及見二公焉
一則海寧陳文勤公
一則清江楊勤愨公
也二先生皆以理學
名臣著聞當代海寧
陳公則吾師也清江

楊公則方細以年家
子獲侍坐焉溫乎其
容粹然其氣皆道德
之腴也後二十餘年
陳公諸孫來都叩其
家存遺橐僅手輯建
中錄一編亟借鈔之
而以其家繕寫未竟
遲遲有待至今尚未
得受而讀焉又後二

十餘年方細按試清
江學得楊公之孫懋
恬貢於成均慨然念
先正名賢之後世有
雋才矣又後十餘年
懋恬出其家刻公集
三十六卷屬為之序
公之文不借序以傳
而今得三復公之緒
論悉其公忠不欺之

素所流露根柢儒先
之蘊所發抒可法於
人而有裨於世嗚呼
是乃儒者之文也已
公之達於政體勤於
吏治無一事不與其
言相符券而是集特
以四知名其堂者記
聖訓不愧四知之語
也方綱既以不獲誦

四

述陳文勤集為憾而
幸得與楊公子有涵
同中會試又得公孫
懋恬數十年後以遺
文來屬序視昔坡公
之序范文正集者更
增厚幸焉故為具道
其孜孜仰企前哲之
夙懷而究不敢以序
公之文自任尔

五